



Na osnovu Odluke o raspodjeli sredstava sa pozicije "Dječija nedelja" za 2015. godinu broj 13-05-18557/15 od 06.07.2015. godine, Ministrica za rad, socijalnu politiku, raseljena lica i izbjeglice, raspisuje:

## **JAVNI POZIV**

**za prikupljanje prijedloga projekata koji će se finansirati i sufinansirati u okviru obilježavanja "Dječije nedjelje" u Kantonu Sarajevo za 2015. godinu u periodu od 05.-10.10.2015. godine**

### **I Predmet javnog poziva**

Predmet Javnog poziva je prikupljanje prijedloga projekata koji će se finansirati i sufinansirati u okviru obilježavanja "Dječije nedjelje" u Kantonu Sarajevo za 2015. godinu sa ciljem podsticaja i organizovanja raznovrsnih kulturno-obrazovnih, rekreativnih i drugih manifestacija posvećenih djeci na području Kantona Sarajevo.

### **II Pravo učešća**

Na javni poziv mogu se prijaviti ustanove socijalne i dječije zaštite, ustanove predškolskog odgoja i kulture, kao i udruženja i fondacije koje djeluju na području Kantona Sarajevo, te druga pravna lica čije su programske aktivnosti usmjerene na unapređenje zaštite porodice i djece.

### **III Namjena**

Pravo na korištenje sredstava sa pozicije "Dječija nedelja" mogu ostvariti aplikanti čiji se projektni prijedlozi odnose na:

- Promociju društvene brige o zaštiti porodice sa djecom,
- Promociju inkluzije djece sa poteškoćama u razvoju,
- Promociju prava djeteta kroz kulturu i sport.

Pravo na korištenje sredstava sa pozicije "Dječija nedelja" ne mogu ostvariti aplikanti čiji projektni prijedlozi podrazumijevaju:

- Projekte čija se realizacija planira izvan Kantona Sarajevo ili je usmjerena na zadovoljavanje ličnih interesa pojedinaca,
- Kupovinu ili iznajmljivanje objekata (sportske dvorane i sl.) i opreme koja nije neophodna za realizaciju projektnih aktivnosti,
- Retroaktivno finansiranje već realizovanih aktivnosti, te projektnih aktivnosti koje će trajati duže od utvrđenog perioda obilježavanja Dječije nedjelje u 2015. godini u Kantonu Sarajevo (05.-10.10.2015. godine).

### **IV Uslovi za učešće na Javnom pozivu**

Uz popunjeni prijavni obrazac podnosilac treba priložiti prateću dokumentaciju:

- Rješenje o upisu u registar pravnih lica kod nadležnog organa (ovjerena fotokopija) i izvod iz registra ne stariji od 6 mjeseci,
- Identifikacioni broj (ovjerena fotokopija),
- Prijedlog projekta izrađen u skladu sa obrascem.

## V Kriteriji za ocjenu projekata

Kriteriji za ocjenu projekata su:

- očekivani efekat projektnih aktivnosti,
- doprinos projekta u ostvarenju namjene obilježavanja "Dječije nedjelje",
- saradnja sa drugim organizacijama na realizaciji projektnih aktivnosti,
- promocija prava djece i porodice na području Kantona Sarajevo,
- način promovisanja aktivnosti u okviru projekata putem medija,
- način animiranja građana Kantona Sarajevo da prate i da učestvuju u planiranim aktivnostima,
- prednost u izboru će imati prijedlozi projekata zasnovani na partnerstvu vladinog i nevladinog sektora, u skladu sa javnim pozivom.

## VI Vrednovanje i izbor projekata

Pregled i vrednovanje projekata će na osnovu kriterija za ocjenu projekata izvršiti Komisija za ocjenu i odabir projekata koji će učestvovati u obilježavanju "Dječije nedjelje" u Kantonu Sarajevo za 2015. godinu, a koju imenuje ministrica za rad, socijalnu politiku, raseljena lica i izbjeglice.

Izbor projekata i izradu rang liste će vršiti Komisija iz stava 1. ovog člana na osnovu kriterija iz člana V. Listu projekata koji će učestvovati u obilježavanju "Dječije nedjelje" u Kantonu Sarajevo za 2015. godinu utvrđuje ministrica za rad, socijalnu politiku, raseljena lica i izbjeglice na prijedlog Komisije iz stava 1. ovog člana.

## VII Podnošenje projekata

Prijave na Javni poziv sa potrebnom, naprijed definisanom dokumentacijom, dostavljaju se u Pisarnu Kantona Sarajevo ili poštom na adresu: Kanton Sarajevo, Ministarstvo za rad, socijalnu politiku, raseljena lica i izbjeglice, ul. Reisa Džemaludina Čauševića broj 1, 71000 Sarajevo, sa naznakom „Prijava na Javni poziv za prikupljanje prijedloga projekata koji će se finansirati i sufinansirati u okviru obilježavanja "Dječije nedjelje" u Kantonu Sarajevo za 2015. godinu".

Javni poziv će biti objavljen na službenoj web stranici Ministarstva [www.mrsri.ks.gov.ba](http://www.mrsri.ks.gov.ba) i prijave na isti mogu se podnositi u periodu od 13.07.-27.07.2015. godine.

Obrazac će biti moguće preuzeti na web stranici Ministarstva i u Pisarni Kantona Sarajevo.

Nepotpune i neblagovremene prijave neće biti uzete u razmatranje.

Odluka o odabranim projektima objavit će se na službenoj web stranici Ministarstva [www.mrsri.ks.gov.ba](http://www.mrsri.ks.gov.ba).

Broj: 13-05-18557/15  
Sarajevo, 09.07.2015. godine



**MINISTRIČA**  
*Karolina Karačić*  
**Karolina Karačić, dipl. ing.**



web: <http://mrsri.ks.gov.ba>

e-mail: [mrsri@mrsri.ks.gov.ba](mailto:mrsri@mrsri.ks.gov.ba)

Tel: + 387 (0) 33 562-089, Fax: + 387 (0) 33 562-090

Sarajevo, Reisa Džemaludina Čauševića 1.